


مکتبہ اسلامیہ

۱۸ جلدی سنہ

سنہ ۱۳۱۶

جزء، عدد : ۷۷





مواد شتی

نرد — طاولة

بو اویونچق . فرس قدیمک صوڭ خاندان حکمدار یسنک برنجی شاهی اولان « اردشیر بن بابک » طرفندن اختراع اولمش . یاخود زمانی عقلا سندن بری شاه مشارالیه نامه اختراع ایلشدر . حتی کندوسنه نسبتله (نرد شیر) دخی اطلاق ایدر لر .

طاولة تختسی گویا که دنیا ایله دنیا خلقلنه مثال اولق اوزره ترتیب ایدلمش . چونکه هر ایکی طرفی ایکیشر خانیه تقسیم اولمش و بونکله شهور سنه مراد ایدلمشدر . پوللر ایسه ایام شهوره اشارتله ۳۰ عدد اعتبار اولمشدر . زارلرک ۶ گوشه اولشی جهات ستهیه مثالدر . آتیلشلی ایسه قلب و دوران دنیایه یعنی طالعه و صاییلری سبعة سیارهیه اشارتدر . زیرا زارلرک ایکی جهت مقابلی ۷ عددینی تشکیل ایدر . ایسته : ششک آلتی یك . پنجك آلتی دو ، چهارك مقابلی سهدر که اوچنك ده مجموعی ۷ در .

اویونچیلرک زاری آتوبده گتوردکلری صاییلر « قضا و قدره » تشبیه اولمشدر . بعضاً انسانک لهنه بعض کرده علیه ظهور ایدر . اویونچی ایسه پوللری آکا کوره اداره و سوق ایدر . چونکه هر برمز یشادجه کونلرک صاحبی یز . فقط بازی طالعمرک زاری هر وقت دوشش گلز . دوشش بکلرکن پنج و دو قیلندن هیچ بکلغیان بر زار گلور . او حالده عاقل و مدبر بر انسان ، بکلمدیگی بر حادثهیی حسن . تدبیر ایله ابو بر زار حاله گتورمکه . هیچ دکلسه تأثیر مشومندن قور تلغه چالشمی در .

ایشته نرآد ، حسن نظر اربابندن بولنوبده تدبیر و تصرف صاحبی اقلورسه زارک
حکمنه تبعیتله برابر ، تأمین غلبه ایچون نصل اوینامق لازم گله جگنی بولور ، بیلور
(تقدیر و تدبیر) خصوصنده اشاعره نك مذهبی ده بقیله در .

ابوالضیا توفیق

معارضه

مشهور « ایاس » بن معاویه که دهها عربدندر ؛ هنوز اؤن اوچ اؤن دوت
یاشلرنده ایکن دمشق شامه گلور و نصلسه بر اختیار آدمله آرمه لرنده بر نزاع واقع
اؤلمقله حل مسئله ایچون حضور (قاضی) یه داخل اؤلور لر .

ایاس جوشمیش سویلیور ، اختیاری مهوت ایدیور ؛ سویلتمیور ایدی .
بۇ حالی کورن قاضی افندی ایاسه :

— اولاد ! براز یواش . اؤ سندن بیوک ، دده ک یرنده در .

ایاس — اوت اما حق آندن بیوکدر .

قاضی — صوص ! دینجه

ایاس — پک اعلا صوصیم ، فقط بنم حجتیمی کیم بیان ایده جک .

قاضی — اما سن سفسطه ایدیورسک ، حق سویلیورسک !

ایاس — یا ! « لااله الاالله » کله مبارک سنی اوقوددی . قاضی متحیر اولمش

ایدی . وقعینی نوادر . حوادثدن اؤلمق اوزره اوقاشام عبدالملک حکایه ایلدی .

عبدالملك دیکله دکن صکره — امان ایشنی چابوق کورده بورادن چیقسون .

صکره شام خلقتی برر برر متضرر ایلر .

قاضی

عمر بن عبدالعزیز کوفه والیسی عدی بن ارطاهه یازدینی امرنامه ده بکر بن

عبدالله ایله ایاس بن معاویه دن برینی بصره یه قاضی تعیین واهرام ایتمسینی بیلدیرمش

ایدی . والی ایکسینی ده جلب ایله صورت اشعارى تفهیم ایلدی . قبولده امتناع
گوستردیله . اصرار ایستی . نهایت بکر دیدی که : « الله حقیچون بن قضایی
حسن اداره ایدم . ایس هر حالده بدن اهل واولادر . اگر بؤسوزمده صادق
ایسم نصل قبول ایده بیلورم ؛ کاذب ایسم یالانچیدن نه خیر اؤمؤلر ؟
ایس جواب ووروب دیدی که : سز بنی جهنمک کنارینه گوتوروب براقیورسکز .
بأس یوق . بن سزک ایچون بر عین کفارتی فدا ایده بیلورم .
بکر . رفیق ایسک ذکاسیله چاره سازلغندن استفاده ایدرک » ایشته بؤیله چاره لر
بولمقده حسن اداره دلائلنددر . والله سن دها مستحقسک . دیدی . بناء علیه
یوقاریده کی فقره ده کی یرامز چوجق قاضی اولدی .

جواب مسکت

مورخ خطیب (تاریخ بغداد) نده شویله بر فقره یازار :
« یحیی بن اکثم بصره قاضیسی اولدینی وقت هنوز یگر می یاشلرنده ایدی .
اهالی قاضیلرینی کوچوک گوردیلر . استخفاف ایدر اولدیلر . ا حالا قاضیمز قاچ
یاشندهدر ؟ » دیه کندوسندن صور دیلر .
یحیی جواباً دیدی که : « بن طرف نبویدن فتح کونی مکیه قاضی نصب اولنان
(عتاب بن اشید) (۱) دن بیوکم . بن جانب رسالتنایدن یمنه قاضی تعیین بیوریلان
(معاذ بن جبل) دن بیوکم . اوت بن . عمر بن الخطابک سزک بصره قضااسنی
توجیه ایتدیگی (کعب بن سوید) دن ده بیوکم . صانکه نه دیمک استیورسکز ؟

دیگر بر جواب مسکت

بریسى خلیفه مأمونه ، اثنای مکالمه ده یا عبدالله ! یا عبدالله ! دیه خطاب ایدر

طور رزمش . مأمون حریفك تربيه سزلكنه حدت ايدرك « سن بنى اسمم له مى چاغريورسك ! » ديه عتاب ايدنجه حريف . اوت افسدم ! بز اللهى ده اسميله چاغريورز جوابى ويرمش .

مأمون بۇ جوابدن فوق الغايه ممنون اولمش : حريفك طلبنى ايفادن بشقه بر جوق عطا ايله ده تلطف ايلش .

اصلا اوقۇمىگىز !

- ۱ تیمور يول واغونلارنده وحرکت حالندهكى عربهلرده
- ۲ آرقه اوستى اوزانهرق
- ۳ يانمقده اولان آتشك آيدينلغنده، مهتابده، صاغ جهتدن گلان ضياده
- ۴ بك يقين اولان فانوس ضياسننده
- ۵ اينجه يازولى ، اينجه كاغدىلى باصمه كتابلرى

مشاغل

- ۱ گيجهلین مشاغل ذهنيدهن ممکن اولدینی قدر احتراز ايدك .
- ۲ دائماً صباحلین مطالعینی اعتياد ايدك .
- ۳ ممکن مرتبه كوزلك قوللانامغه چالیشك . وكوزلكه محتاج ايسه كز كوزلك انتخابی بر كوز طبيينك معاینه سنه تعلیق ايدك .
- ۴ اللی دقیقه دن زیاده بر کتابه ویا یازو یازمغه حصر ذهن ونظر ایتيك .
- ۵ یورلسه كزده یورلسه كزده ۵۰ دقیقه دن صكره كتابی بر اقوب براز كزینك .
- ۵ بتاغه كیرمدن اول كوزلركزی بیقایك .
- ۶ قاشدیریحی شیلردن وكوزمه قان هجومندن صاقینك .

گذران عمر و دیوار تقویم‌لری

هر آن و دقیقه حال ماضی اُولوب گتدیگی و استقبال ایسه حال اُولوب گتدیگی جهته عمر بشر دخی مقدار و معدود اُولان مدت حیاتندن هر آن و نفسده صرف ایتدیگی معلومدر . مدت حیات ایسه عینله بر شخصه ، شخص آخر طرفندن دفعه واحده به مخصوص اُولق اوزره بخش اُولنش بر کیسه طولیسی نقد نامعدود کی در . آگا مالک اُولان شخص بر کون اُولوبده کیسه نك بوشاله جغنی حساب ایتمکسزین متصل آندن اخذ و صرف ایدر . فقط کیسه به ، چیقاردیغنی نقودی جبر ایدر جك بازه گیرمیدیگی جهته کونك برنده صوگ منقروی آلوب خرج ایدنجه کیسه نقوددن خالی قالور .

ایشته انسان ده کیسه عمره ید قدرت فاطره ایله املا ایدلش اُولان نقد حیاتندن هر آن و دقیقه ده و بلا اختیار صرفیآده بولنه بولنه بر کون فرقه وار مقسزین کیسه بی بوشاتوز . شوقدر وارکه نقد حیاتنك کندنجه مقداری معلوم اُولمامسی اثر غفلت اُوله رق تولید آید و تقویه امل ایدر .

شاعر مورخ سرورزی مرحوم (چالار ساعتلردن هیچ خوشلانم . هر ضربه سنی طوبدجه (ایشته عمر کدن بر ساعت دها غائب ایتدك) دیه باشمه طوقاقله اوربور ظن ایدرم) دیر ایش .

فرانسه ادباسندن مشهور مادام دو سهوینیه دخی « نانیلی ساعتلری هیچ سوئم : زیرا حیات بشری بك اوافق طوغرارلر . » قولیه استظراف ایلر مش . هر کون بر ورقي قویاریلان دیوار تقویم‌لری ایسه کندی دست واراده مزله شجره عمر مزندن بر یایراق قویارورق عمان بی پایان عدمه آتدیمزك اڭ بدیهی بر برهانی ایکن حیفاکه ینسه هر کون گله جگی کیدندن زیاده بر تهالك ایله استقبال و بؤ سبيله فنا مزی فرقه وار مقسزین استبحال ایتمکده یز .